



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Licentiæ expondendi Eucharistiam Form. XX.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

præscribunt dicta Decreta à Nicolio supra relata : Nihilominus, in una Brixiën. 18. Julii 1692. pro assecuratione victus novæ foundationis Conventus Cappuccinarum in loco Caprioli, fuerunt admiffæ obligationes validæ duorum Nobilium Venetorum : & in alia Veronen. 18. Aprilis 1698. in fundatione alterius Conventus ejusdem Regulæ concessa Terræ Lonati, fuerunt admiffæ obligationes legaliter stipulatæ duorum particularium dicti loci facultatibus idoneorum, in utraque referente clar. memor. Card. Petruccii.

35 Et tandem advertat Episcopus, quod nullo modo debet permitti, quod in fundatione Monasterii, nec postea Moniales habeant prospectum, vel retineant Crates correspondentes in Ecclesia Presbyterorum sæcularium, sive Regularium pro audienda Missa, sub prætextu, quod non possint ob illorum paupertatem manuteneere Cappellanum: sed ubi inveniat adesse, & retineri, omninò mandet removeri: prout ita fieri jussit Sac. Congr. Episcoporum. in Trojana adversus Moniales Annuntiatæ Foggie ad relationem clar. mem. Card. Petrucci 27. Februarii 1693. quæ cum parere distulissent variis excusationibus, iterum recurrentibus Canonicis Collegiatæ, in quorum Ecclesia prospectus in vim Concordiæ retinebatur, 16. Novemb. 1696. eadem Sac. Congr. rescripsit -- Episcopus omninò intra mensem Decreta Sac. Congregationis exequatur, & procedat ad destructionem transitus.

Licentia exponendi Eucharistiam.

F O R M U L A XX.

S U M M A R I U M.

- 1 Regulares non possunt publicè exponere Sacramentum Eucharistiæ sine licentia Episcopi.
- 2 Neque alii exempti, non habentes jurisdictionem in populum.
- 3 Confraternitate laicorum exponentes de licentia Ordinarii Eucharistiam,

Parochus si velit, & non Cappellanus benedicat populum.

- 4 Licentia exponendi publicè Eucharistiam est danda Regularibus in scriptis, & de ratione.
- 5 Licentia simpliciter concessa pro unica vice intelligitur data.
- 6 Licentia non extenditur ultra petita.
- 7 Licentia differt à gratia, quia illa non ligat successorem, secus in gratia.
- 8 Regulares, pro quibus rebus, & casibus teneantur licentiam petere ab Episcopo.
- 9 Regulares in pluribus subjiciuntur jurisdictioni Episcopi, & enumerantur casus à num. 10. ad 28.
Regulares in civilibus nisi habeant Conservatorem conveniuntur coram Episcopo.
- 29 Regulares Religionis suppressæ non remanent liberati à votis.
- 30 Regulares in quacumque alienationis specie tenentur petere, & obtinere licentiam à Sac. Congr. Concilii.
- 31 Licentia alienandi datur à Sac. Congr. Concilii gratis.
- 32 Regulares Dominicani non habent jurisdictionem visitandi Confraternitates erectas in eorum Ecclesiis.
- 33 Neque superintendentiæ spiritualis super illas, quæ reperiuntur erectæ extra illorum Ecclesias.
- 34 Regulares non possunt apponere Interdictum in Ecclesia ipsi subjecta.
- 35 Regulares possidentes bona in communi tenentur solvere procuratorem Visitatori Apostolico.
- 36 Regulares non possunt ab Episcopo ordinari extra tempora, nisi habeant Indultum speciale, & non per communicationem.
- 37 Abbates, & alii Superiores Regulares nequeunt residere in privatis domibus.

Ille

Illustrissimo, e Reverendissimo Signore.

IL Priore, e PP. del Convento N. di questa Città volendo sodisfare alla pia divotione del popolo, che lo ricerca, e per implorare dalla Maestà Divina la serenità del Cielo tanto necessaria per la conservazione delle messi nella corrente stagione, la supplicano della licenza di potere esporre in publico nella loro Chiesa il Venerabile Sacramento. Che il tutto &c.

N. Priore del Convento N.

Attentis narratis, & dummodò expositio fiat publicè in Altari majori Ecclesie decenter ornato, accensis saltem sexdecim luminibus cereæ albæ elaboratæ, non concionetur, & benedictio solemnis populo detur ante occasum Solis, pro duabus vicibus intra currentem hebdomadam explendis, *licentiam petitam concedimus.* Datum &c.

N. Episcopus five Vicarius Generalis N.

N. Cancellarius Episcopalis.

ADNOTATIONES.

1. **D**I POTER ESPORRE IN PUBLICO. Expositio publica Ven. Sacramenti Eucharistiæ, non potest fieri à Regularibus nisi de licentia Episcopi, & ex causa publica ab eodem probata, ut sæpè sæpius respondit *Sac. Cong. Episcop.* & præsertim in *Cajet. 25. Octobr. 1602. in Tortonen. 27. Maii 1603.* & alibi, prout referunt ipsimet Authores Regulares, Lantusc. *Theat. regular. verb. Euchar. n. 1. & 2. Nicol. in flosc. eodem verbo n. 23.*

2. Quod procedit etiam in aliis Ecclesiis quocunque modo exemptis, & non habentibus jurisdictionem in populum, ut declaravit ead. *Sac. Congreg. in Florentina jurisdictionis inter Archiepiscopum, Episcopum Fesulanum 18. Maii 1696. referente Eminentiss. Card. Pamphilio.*

3. Confraternitates verò laicorum, si de licentia Ordinarii publicam expositionem Sacramenti Altaris faciant in eorum Ecclesiis, Parochus si velit, debet benedictionem populo dare, non autem eorum Cappellani: neque valent dictam publicam expositionem facere illis diebus, in quibus sit in Ecclesia Parochiali: prout partibus informantibus super utroque du-

bio respondit *Sac. Cong. Concilii in Ferrarien. jurium Parochialium 22. Martii 1698.*

4. **L**ICENTIAM PETITAM CONCEDIMUS. Licentia hujusmodi debet dari in scriptis, non quia necessaria sit scriptura, sed ad tuenda jura Episcopi, nempe ad effectum, ut semper appareat expositionem publicam Eucharistiæ in Ecclesiis Regularium fuisse factam propter positivam licentiam Ordinarii, non autem alio titulo, siue consuetudine, quam allegare possent, si Episcopus aliquando licentiam denegaret, & depreteritis non appareret: Undè supplices libelli à Priore Conventus subscripti cum rescripto in calce, in Cancellaria debent remanere, non solum ad effectum prædictum, sed etiam ut possit recognosci, an conditiones in licentia præscriptæ fuerint servatæ.

5. Datur autem licentia pro duabus vicibus hic in formula: sed si simpliciter esset concessa, pro una vice tantum intelligeretur data, Gabriel. *commun. concl. 1. 6. de legib. concl. 2. num. 12. Ricc. collect. 1711.* ubi de licentia extrahendi frumentum Nicol. *in flosc. verbo licentia n. 2.*

6. Et est quoque notandum, quod licentia non extenditur ultra petita, *c. inter in fin.*

in fin. de fid. Instrum. Rot. coram Duno. Jun. decis. 451. n. 11. sed rescriptum, seu Decretum semper recipit declarationem ab instantia, precibus, seu facto l. i. Cod. de divers. rescript. Lotter. de re benef. libr. 3. quæst. 4. num. 4. Rot. coram Priol. dec. 416. num. 10. & decis. 452. n. 3.

7. Secundò, quod licentia differt à gratia, quia illa non est perpetua, nec obligat successorem, nisi negotium sit cœptum, secus in gratia, Tusch. lit. L. conclus. 352. num. 20.

8. Tertiò, quod Regulares indigent licentia Episcopi in aliis etiam rebus, nempe Primò, in erectione novorum Conventuum, ut jam dixi in hoc eodem tit. Form. præcedenti. Secundò, pro editione, & impressione librorum, ac Thesum, Concil. Trid. sess. 4. Decret. de edit. & su libror. Tertiò, pro quæstu, quem velint facere per personas sæculares pro utilitate Conventus alicujus loci, Sacr. Congreg. in Senogallien. 17. Januarii 1692. Quartò, pro laborando, & operas serviles faciendo diebus festis. Quintò, quoties velint conciones habere Bulla Clem. X. Superna. Sextò, pro alloquendis Monialibus conjunctis in primo, & secundo gradu, quamvis regimini eorundem subficiantur. Septimò, si curam exercent animarum, à cura abesse non possunt, neque ad libitum alios subrogare, nisi petita, & obtenta licentia Ordinarii, Con. Trid. sess. 25. cap. 11. de regular. Sacr. Congreg. ejusdem in Florentina 18. Julii 1678.

9. Præterea subjiuntur jurisdictioni Ordinariorum locorum. Primò, si in numero à Constitutionibus Apostolicis præscripto in Conventu non commorentur, & regularem disciplinam non servant, Urban. VIII. const. 43. Bullar. nov. tom. 4. Innoc. X. in Bulla Instaurandæ, & Decreto ut in parvis de quo Fagnan. in capit. quanto num. 21. de offic. ordin. Panim. decis. 84. adnot. 2. num. 19.

10. Secundò, si invitati per edictum aliove modo, ad processiones publicas accedere negligant, vel contempnant, ad quas etiam censuris compelli posse, communior est sententia, Lauret. de Franch. contr. part. 1. num. 68. & 78. Pi-

gnatel. consult. 45. num. 13. & 14. tom. 3. ubi Decreta tam Sacr. Congr. Concilii, quam Rituum id concedentia refert Panimoll. decis. 84. adnot. 1. n. 39. 45. & 46.

11. Et hoc intelligitur non solum de processionibus publicis, quæ fiunt in Civitate, & ubi Episcopus residet, sed etiam de illis, quæ fiunt in aliis locis, & Plebibus, ubi Regulares habent Monasteria, juxta Decretum Sac. Congr. Concilii, quod ex Lezana refert Barbof. in Summ. decis. Apostolic. collect. 605. num. 23. ibi -- Lezana ait Sacr. Congr. Conc. declarasse publicas processiones, ad quas Regulares compelli possunt per Ordinarios esse, quæ fiunt in festo Corporis Christi, in Litanis, & Jubileis publicis faciendis in Plebibus, in quibus ipsi habent Monasteria.

12. Tertiò, si censuras, & interdicta per Episcopum promulgata non servant Clem. 1. de sent. excommunic. innovatam à Concil. Triden. sess. 25. de regular. capit. 12. Garz. de benef. part. 5. cap. 8. n. 87. Sayr. de cens. lib. 3. cap. 33. num. 44. Sacr. Congreg. Concilii in Cæsaraugustana interdicti 11. Junii 1695. In qua declaratum fuit Milites Hierosolymitanos sicuti cæteros Regulares, & exemptos teneri, & obligatos esse ad observantiam Interdicti per Archiepiscopum promulgati, non obstante allegata in contrarium consuetudine immemorabili.

13. Quartò, incedentes per Civitatem, & loca sine socio, vel de nocte, aut indecenter vestiti, & sine debita modestia religiosa, possunt per Episcopum in carceribus mancipari tamquam delinquentes extra Claustra, servata tamen forma Concilii Trid. sess. 25. capit. 14. de regular. Sacr. Congr. Episc. in Andrien. 15. Decembris 1584. & in Ravennaten. 12. Septembris 1594.

14. Quintò, exercentes Curam Animarum in Ecclesiis Monasteriis unitis, in his quæ pertinent ad administrationem Sacramentorum, illorumque, ac Sacramentalium custodiam, & cultum, Episcopo Diocesano subjiuntur, (dummodo Ecclesia Parochialis non sit illius Conventus, in quo residentiam ordinariam habeat Generalis Ordini), vigore Bullæ Gregorii XV. Inscrutabili, de qua Fagnan.

Fagnan. in capit. cum Cappella de privileg. Sac. Congr. Concilii in Lauden. jurisdictionis 1. Decembris 1691. in qua plene articulo discussio, & partibus informantibus, fuit resolutum, Bullam præfatam non derogasse privilegio cap. 11. sess. 25. de regular. favore Generalium Ordinum concessio, Lauret. de Franc. contrav. part. 1. num. 553.

15. Sexto, Curati, seu Vicarii dictarum Ecclesiarum Parochialium Monasteriis unitarum, renuentes accedere, & intervenire Synodo Diocesano, & Congregationibus casuum conscientiarum, juris remediis ab Episcopo compelluntur, Sac. Congr. Concilii in dicta Lauden. in responsione ad octavum, & nonum, confirmata 20. Septembris 1692. juxta resoluta in Justinopolitana 24. Septembris 1639. in Comen. 16. Decembris 1645. & in Forosempronien. 3. Septembris 1650. lib. 15. Decret. pag. 76.

16. Septimo, ministrantes Laicis secularibus infirmis hospitantibus in eorum Conventibus Sacramenta Eucharistiæ per modum Viatici, & Extremæ Unctionis absque Episcopi, vel Parochi licentia, censuras in Clem. 1. de privileg. inflictas incurrunt, & possunt per Ordinarium etiam per cedulones excommunicati declarari, Ricc. prax. For. Eccles. 2. resol. 210. vers. 12. Barbol. de offe. & potest. Episc. alleg. 105. num. 68. Sac. Congr. Concilii in Nullius 19. Septembr. 1637. in Cremon. 27. Februar. 1649. in Ripana 3. Februar. 1652. confirmata in Gerunden. 13. Februar. 1694. & in magis recenter in Neapolitana 5. Junii 1700. in qua fuerunt declaratae validæ Censuræ publicatæ per Card. Archiepiscopum contra Monachum Monasterii Montis Oliveti, qui absque Parochi licentia Sacramentum Extremæ Unctionis cuidam Josepho Origlia intra septa Monasterii inhabitanti ministraverat; nec Cadavera sepelire, Nicol. lucubr. Can. lib. 5. tit. 28. num. 10.

17. Octavo, lædentes immunitatem Ecclesiasticam, Judex Processus est Episcopus, qui eo expleto remittit delinquentes puniendos ad Superiores, Ricc. decif. 119. num. 2. part. 2. Sac. Congr. Immunitat. in Panormitana 3. Februar. 1637.

18. Nonò, si Superiores moniti non doceant Religiosum reum de delicto publico, & gravi punivisse, potest Episcopus illorum negligentiam supplendo vigore cap. 14. sess. 2. de Regular. ipse punire, Quarant. in Summ. Bullar. verb. præcedentia vers. an in casu, Tambur. de jur. Abb. tom. 1. disp. 15. quæst. 7. n. 11.

19. Decimo, offendentes Ministros, & Officiales Curie Episcopi, prorogant illius jurisdictionem, & efficiuntur ejusdem fori, adeout possint ab eodem puniri, & carcerari, ut declaravit, & laudavit Sac. Congr. Episcoporum in Theatina 27. Martii 1692. referente Card. Caraffa, Sperell. dec. 160. n. 31.

20. Undecimo, erigentes Altare portatile, & Sacrum facientes in Domo privatorum, ut ibidem celebrent, & Viaticum ministrant Regulari infirmo absque licentia Ordinarii, possunt Censuris coerceri, & ligari, ut declaravit Sac. Congr. Concil. in Messanen. 20. Septembr. 1698.

21. Duodecimo, celebrantes Missas in Oratoriis privatis Domicellorum diebus exceptis, vel postquam eadem die fuit ibidem jam celebrata unica Missa in Apostolico Indulto concessa, potest Episcopus in eos animadvertere, servata forma Concilii, sic censuit eadem Congregat. in Neapolitana 30. Maii 1699.

22. Decimotertio, Confessiones secularium audire, nec à casibus Episcopis reservatis absolvere non possunt absque expressa approbatione, & licentia eorundem, quovis privilegii, etiam maris magni, aut Cruciatæ prætextu, obstante eis ubique Bulla Clem. X. Superna. Neque extra Diocesim Episcopi approbantis pœnitentes absolvere, contra expressam prohibitionem dictæ Bullæ, & Decreti Urbani VIII. per extensum relati à Barb. de jur. Eccles. lib. 1. cap. 43. num. 210. & Decreti novissimi Sac. Congr. Episcop. & Regul. in Lusitana Jurisdictionis 11. Aprilis 1698. in qua referente Eminentissimo Card. Colloredo, omnium votis resolutum fuit, Constitutionem prædictam Clem. X. omnino à Regularibus, & pœnitentibus servandam esse, quolibet privilegio etiam Cruciatæ (pluries expulso) non obstante.

23. De-

23. Decimoquartò, degentes extrà Claustra, si delinquant, puniuntur ab Episcopo vigore *Constit. 39. Clement. VIII. Bullar. tom. 3. & vigore Decretorum Sac. Congreg. Concilii impressor. post Constit. 26. Urbani VIII. Bullar. tom. 4. Barbol. de offic. & potest. Episcop. alleg. 105. n. 14. & hoc est verum, etiam si Regulares delinquentes degerent extra Claustra de licentia Superiorum.*

24. Decimoquintò, si in horis non conuictis Missas celebrent, vel prædicent, & publicent miracula non autentica, possunt ab Episcopo coerceri, & puniri, ut ex Frasso, & aliis allegatis, tradit Raynald. *observ. Crimin. supplement. ad cap. 32. supplement. 4. num. 3. ad 30.*

25. Decimosextò, si censuram *Canonis si quis suadente 17. quest. 4.* vel aliam à jure latam incursum fuerint, ubi factum est certum, & habet speciem notorii, poterunt per Episcopum publicè denunciari, Card. de Luc. *de jurisd. disc. 29. num. 2. & disc. 47. num. 3. Sac. Congr. Conc. in Neapolitana 18. Aprilis 1693.* Notorium autem factum tunc dicitur, si evenit in loco publico, in quo solent homines communiter versari, undè quod fit Domi non potest dici notorium: si coram decem personis committatur: si fiat de die, quia de nocte non possunt homines benè videre, sic docet Raynald. *observ. Crim. supplement. ad cap. 32. supplement. 4. num. 115.* ubi dat concordantes.

26. Decimosseptimò, in casibus, in quibus Regulares exempti, vigore Concilii Tridentini subjiciuntur Ordinariis, poterunt Censuris coerceri, non obstante quod haberent privilegium, ne possent excommunicari: quia Concilium revocat omnia privilegia, & dat potestatem eos coercendi indistinctè, ut pro veritate tenet Card. de Luc. *de jurisd. d. disc. 29. num. 7. & disc. 104. num. 1.* ubi advertit, quòd licet Constitutiones Apostolicæ circa jurisdictionem Episcopi in Regulares, difficultates sustulerint, adhuc noviter inductæ fuerint à Moralibus Scriptoribus, qui curantes tueri causam propriam, enixè student Ordinariorum potestatem restringere, & quod fortè nulla Religio adest, quæ sive per specialem concessionem, sive per

communicationem, tale privilegium habere non prætendat.

27. Decimoctavò, non possunt superiores Regulares in Monasteriis Monialium ipsis subjectis recipere, & admittere Puellas ad habitum Religionis, nisi Episcopo certiorato, Barbol. *supra Conc. sess. 25. cap. 17. num. 10. de Regul. & de potest. Episcop. allegat. 100. num. 4. Donat. de Regular. tom. 4. tract. 9. quest. 8. num. 6. Pignatell. consultat. 85. num. 151. tom. 6.*

28. Decimononò, Regulares, qui peracto Sacrificio Missæ circumeunt per Ecclesiam offerentes adstantibus osculum Patenæ, possunt ad removendum hunc abusum ab Episcopo coerceri vigore Decreti Concilii Tridentini. *de exit. in celeb. Miss. cum Patena numquam dari debeat populo osculanda, ut pluries declaravit, & prohibuit Sac. Congr. Rituum apud Biff. Hierurg. tom. 2. litt. O. verb. Oblatio. num. 4. & litt. P. verb. Pax num. 91. §. 4. & litt. S. verb. Subdiaconus, §. 22.*

In prædictis casibus inquam adhuc vestigia jurisdictionis nativæ Episcoporum remanent contra Regulares, qui ex nimia Sedis Apostolicæ libertate in cæteris exemptione gaudent; in causis verò civilibus, & aliis actibus jurisdictionalibus, erit servanda *Constitutio Gregorii XV. la. 9. Bullar. tom. 4. emanata super modo, & forma eligendi Regularium Conservatores, quæ in Appendice operis apponitur.*

29. Regulares autem Religionis suppressæ, non remanent liberari à votis, sed adhuc his obstricti sunt; adeo ut nec matrimonium, nec Testamentum facere, nec in Fideicommissis, & hæreditatibus succedere, nec acquirere possint, ut respondit *Sac. Congreg. Concilii in Veneta 13. Maii 1679. & in Bononien. 25. Augu. 1692. Passerin. de stat. hom. tom. 1. quest. 185. art. 8. num. 167. & 168.*

30. Et hic quoque nota, quòd Regulares omnes tenentur in quacumque alienationis specie tam stabilium, quàm mobilium pretiosorum, sive translatione Domini, aut creatione censuum, licentiam petere, & obtinere à *Sac. Congr. Concilii, prout Decreto generali mandavit Urbanus VIII. 7. Septemb. 1624.*

31. Hæc

31. Hæc autem licentia gratis ab eadem Congregatione expediri debet sicuti in dicto Decreto injunctum fuit, cujus observantia denuò demandata extitit ab eadem Congregatione sub die prima Decembris 1691. his verbis -- Pro omnimoda observantia, & executione Decreti, & gratis expediantur res Regularium, aliorumque in Decreto comprehensorum de licentia hujus Sac. Congregationis tantum in scriptis danda juxta formam, & tenorem prædicti Decreti à san. mem. Urbani VIII. confirmati, si Sanctissimo D. N. placuerit.

Die 4. Decembris 1691. facta relatione per Secretarium, Sanctissimus mandavit servandum esse Decretum san. mem. Urbani VIII. super hac re editum, & de licentia Congr. Concilii, & gratis juxta ejusdem formam, & tenorem.

R. Pallavicinus S. C. C. Secretarius.

32. Religiosi insuper Dominicani non habent jus visitandi Confraternitates Laicorum, erectas in eorum Ecclesiis, nec eis permitti debet, ut rescripsit Sac. Cong. Episcoporum Vicario Spoletano 23. Aprilis 1602.

33. Nec facultates eidem PP. tributæ superintendentiæ spiritualis in Societates Rosarii extenduntur ad illas, quæ reperiuntur erectæ extra eorum Ecclesias, ut pariter eidemmet Ordinario Spoletano respondit eadem Sac. Congreg. sub die 13. Maii 1603.

Alia de Regularibus tacta reperies in Appendice Adnot. ad Const. Clem. X. & Gregor. XV.

34. Item adverte, quòd Superiores Regulares non possunt apponere interdictum in Ecclesia ipsis subjecta: Quia eorum jurisdictionis est personalis, non autem localis: Et etiam quia actus iste percutit exercitium jurisdictionis in Clerum, & populum, illos privando, ne in ea celebrare, & respectivè audire possint divina, & sic cum non Subditis, ut benè de more ratiocinatur Card. de Luc. de jurisdic. discurs. 99. num. 2. & nuper partibus auditis, & informantibus declaravit Sac. Congr. Episcoporum & Regular. in Neapolitana Censurarum 21. Junii 1697. referente Card. Cavalierio, contra Abbatem S. Petri ad Aram, qui

Ecclesiam Monialium Reginae Cœli sibi subjectam, interdicto subjecerat.

35. Item, quòd Regulares possidentes bona stabilia in communi, tenentur solvere procuracionem Visitatori Apostolico; quia à tali onere nemo est exemptus, licet non esset expressum in facultatibus, dummodo non habeant privilegium peculiare, ut ex pluribus Decretis Sac. Congregationis probat Nicol. in fosc. verb. Visitatio Apostolica à num. 15. ad 25. & in lucubr. canon. lib. 3. tit. 39. num. 23. & 34. Sac. Congreg. Episcoporum & Regular. in S. Severini 10. Junii 1695.

36. Item, quòd licet nonnulli Regulares possint ex privilegio Apostolico promoveri ad Ordines diebus festis per annum extra tempora à jure statuta, ut ex largitione Gregor. XIII. Constit. 77. gaudent PP. Societatis Jesu: Non inde inferri, & deduci potest, quòd cæteri aliorum Ordinum, qui cum illis participant de privilegiis, possint vigore hujusmodi communicationis recipere Ordines extra tempora: Sed debent simile indultum concessum, vel confirmatum post Concilium Tridentinum exhibere, aliàs illicite ab Episcopo promoverentur, Barbosa. de jur. Eccles. lib. 1. cap. 33. num. 182. Ventrigil. prax. part. 1. adnot. 44. S. Unico num. 12. Sac. Congregat. Concilii in Senon. 11. Aprilis 1699.

37. Item, quòd Abbates, & Superiores Regulares tenentur residere intra Claustra Monasterii, non autem in privatis domibus, non obstante prætextu majoris commoditatis negocia Religionis peragendi, & consuetudine non residendi, ut respondit Sac. Congregat. Concil. in una Barchinonen. Residentiæ 27. Januarii 1691. in qua fuit injunctum Episcopo, ut Abbatem Sancti Cucuphatis cogeret nomine ejusdem Congregationis.